



ИВАН КУПЕЧЕСКОЙ СЫН



Олісны-вылісны купеч гозья. Да. Коркө-й купечика пондіс нөбасьны; нөбасис, нөбасис сія и рөдитіс пи. Да. Сылы пуктісны ним Иван. Иван купеческой сын лови сія. Да. Коркө-й сія пондіс быдмыны, арөс лови дай, мөд дай, куим. Но, бать пондіс мунны төварла, а куим арөса пиыд пондіс вөзйысьны, батьө пө, шувө, менө пө тшөтш босьт, меным пө мыйкө колө ньөбны. Мый нө пө тэныд колө, ювалө батьыс, висьтоо пө, ме вая, а тэ пө дзоля на ньөбасьны мунны, кынман пө ещө. Нет пө, тэ меным ньөбасьны он куж, а ме пө ачым ветла, мед дзоля кө, ог кынмы. Бать эськө эз көсьы нуны да, пи пондіс бөрдны и, вөляөн-невөляөн, быть лови нуны сійө.

Но, сэсся мунісны ная карө, пырисны магазинө, бать пондіс босьтооны төвар и ювалө пиысь:

— Но, Ваня, мый тэд колө, инды төвартө, босьтам.

Отвечайтө пи бательы:

— Но, бать, меным кодь төвар эз ло, тэ босьтась, мый босьтасян, а меным тась нинөм эз сюр.

Да. Но, бать босьтасис, мый вөлі колө, пондіс возвратитчыны гортө. Горгад бөр косігад вөлокын паныдасисны дядьөкөд. Дядьө вөлі чань нувө вөрө сэрбертны. Вот, вот пө тая чаньыс и меным колө, шувис Ваня бательы, ме пө та понда и локті. Да. Кор пө вай дядьөбыслысь сійө ньөбны. Корас кө пө дас чөлкөвөй, сет кызьөс, корас кө комынөс, сет квайтымынөс, а сөөс кө корас, сет кыксөөс.

Купеч и пондіс шуны гөль дядьөлы, вай пө чаньтө вузоо, сэрбертны жө пө тай нуван-а.

— Чөө,— шувө дядьө,— көлөкөла вөлөн ветлан, а этья чань босьтан, эн на смекайтчы.

Босьта пө, шувө купеч, висьтоо пө, уна-ө коран. А ме пө, колөкө, комынөс кора да, шувис дядьө. Комынөс кө пө и ладнө, на пө квайтымынөс, сетіс купеч.

Купеч ая-пиа мөдісны водзө, а дядьө пондіс шензьяны, аттө пө дивө, йөй купечыд тай кыськө лолас жө, вөлыс пө оз сулоо сы доньыс, а чань вылө сія сетіс.

Коркө вовисны гортө купеч ая-пиа, пиыс и пондіс шуны бательы:

— Бать, өддельной конюшня мем вай, ме ачым понда старайтны чаньтө, юктооны-й и вердны, а ті мамөкөд некор эн пыралө сэтчө.

Бать шувө:

— Валяй, валяй, быдты, пиө, быдты.

Да. Сідз сәсся ная во кымын олісны. Бать бура төргуйтіс, а Иван ветліс школа(ө) да ассъыс чань старайтіс.

Да. Коркө-й, несколько время мысьтөн, бать пондіс висъны, омөльтчыны, и кувмөн лови, кулі. А купечика том коли, мужиктөг оз вермы ооны. Сылдн друг лови, часто волныны пондіс.

— Ак, Ваняйд кө абу, позьб жө эськө мянлы ооны,— шувө другыд.

А сія пө изведитны позьбө. А кызди нө пө изведитан? А тэ пө аптекаясъс юосълы, гашкө пө сетасны кутшөмкө сулема, ме пө сійөн верда ли юктола, дай чергөдчас пө. Вая пө, абу кө пө жаль пиыд. Абу пө, луттшө пө тэкөд ооны.

Да. А Ваня век школа(ө) ветліс, и быд муніг и локтіг пыроліс аслас вөө дінө. Отчыд сія, школаыс локтігөн, пырис конюшня(ө), вөө гөрөктіс морт гөлөсөн:

— Көзяин, көзяин, мамыдлыс сёянтө тавун эн сей, порсьлы ли понлы сет, а ачыд эн сей, сэтчө сулема пуктөма.

— Неужели?

— Да,— шувас вөө,— сәсся колөкө кызы, колөкө эн.

Иван пырис гортас, мамыс зэә ена жалитө сійө, но, шувө, пиө, тшыгъялін пө тэ быдөн, зэә бура сей. Оз пө тавун меным мыйкө коо, шувө Иван, ас места(ө) пө понйөс луттшө верда. Кутеос чукөстіс сія, сетіс ассъыс сёянсө. Пон кыкыс ли куимыс лакыштіс, сійө и чергөдчис.

— Мамө, мамө, понйыд тай нө лакыштіс да кулі, ме кө сейи, кулі жө, гашкө, да?

— Чөб, дитя, времяыс вовис дай кулі, а эз жө сёян помыс, ог жө ме көсйи тәнө өгманитны.

Рытнас Иван бара петіс вөө дінө, сійө сөодны. Вөө и шувө:

— Көзяин, көзяин, мамыд тэнад бара омөльтор думайтө, пышйыны колө. Босьгышт деньгатор, паськөм и мунам. А тавун кө ог удитө пышйыны, тәнө и менө виясны.

— Аттө дивө,— думайтө Иван,— купеческөй сын вөлі, а ловө горт эноотны.

Вөчны нинөм, вөөлыс лоө кызыны.

Да. Пырис сія гортас, лөсьөдчис, деньга босьтіс чөлкөвөй дас кыным, кызь кыным, кыськө сюри щельясъс да. Мыйөн час көкъямыс-өкмис лови, петіс, мед мамыс да другыс эз аддзывны, мед эськө губитны эз сюр. Тиколком-молком петіс и вөө вылө сөліс и шутөотіс-муніс.

Да. Несколько время мысьтөн пондісны Ваняөс корсьны. Да. Другыс да мамыс корсьоны. Кытчө пө Ваняыс вошөма, кытчө. Быд комлатаыс корсисны и некыс эз аддзыны.

А Иван вөөкөд муніс, муніс и луг вылө вовис. Луг выыті пондіс мунны, а сән бытгө кутшөмкө лампа өзйө, сэтшөм югыд. Мый нө пө тая татшөмыс, ювалө Иван вөөлыс. А тая пө турин; тая пө эськө зэә буртор, а душатө вермас пөгубитны, тэ пө эн босьт тайө. Эз төжды Иван, бумага пиө гартыштіс, суйис зептас и мөдөдчис водзө.

Муніс, муніс Иван, и сар дінө дум лови пырны. Мый пө, думайтө, ме пө ачым купеч пи, гашкө пө царыд кутшөмкө должносьт сетас.

Да. Вовис Иван сарскöй двореч дорö, вöököд пондiс луг вылын прö-
щайтчыны, а вöö сылы шувис, кор пö ме коома, лок да чукöст: «Сивко-
бурко», ме пö и вова.

Да. Вöököд прöщайтчис Иван и явитчис сарскöй дворечö, служанка
дiнö. Вот пö, шувö, сiдзи и сiдз, кöсья аддзöдлыны сарöс. Доложитiсны
сарлы, мый вовöма сэтшöм-сэтшöм морт, кöсийö аддзöдлыны сийö. Да.
Сар корис сийö. Пырис Иван сар дiнö, кок улас уськöдчис сылы, пондiс
висьтоллыны.

Ме вöли Иван купеческöй сын, быдми купеч семьяын зэа бура,
а мыйöн бать кули, мам пондiс лöгооны, изведитны кöсийс менö аслас
другкöд, и мем лови пышйыны. Локтi ме тэ ордö кутшöмкö пропитание
кузя, он-ö кутшöмкö удж сет.

Кывзiс сар Иванлысь и шувö:

— А тэнад томлун кузя ме сета куим вöö; старайт найö, чистит,
верд, юктоо.

Куим вöö сетiс сар Иванлы и дзoляник будкатор, оонысö. Дерт,
сарьяслөн быдторыйс эм. Да. Вöояс сетiсны, и öти лун олö Иван дай
мöдöс, видзö, вердö, юктолö найö. Вööнад вöдитчыны сылы оз коо,
югыд четнад. Сэсся кызкö нирскöбтiс сылөн югыд чветыд, вöөлөн
гöныс зеркальнöй ловис, дзик мрамор кодь. Аддзис тайö Иван и став
вöояссö шыльöдiс югыд четнад, ставныс ловины зеркалö кодьöс.

Да. А сарлөн вöли куим ныы. Сар и пондiс шуны медыджыд нылыс-
лы, миян пö öни выль конюкьяс эмöсь, колö пö видзöдлыны, прöверитны,
кутшöма видзöны вöоястö, кодлөн бур, кодлөн омöль, кодöс колö нака-
житны, кодöс наградитны.

Вовис сар ныы Иван купеческöй сын дiнö, удивитчыны кутiс, кыззи
пö тэ татшöмасö старайтан?

Да. Иван öветитiс сар ныылы, быд лун пö чистита, верда и юктола
куимысь, вот пö-й мичаöсь ловины. А турин лампа оз висьтоо сийö.

Да. Бать дiнö пырис ныы и висьтолö, батьö пö, дивö пö висьтола
тэныд, тэ пö тшöтш дивуйтчыны кутан. Мый нö пö сэтшöмсö аддзылiн,
шувö батыс. Том мортыдлы пö тай сетiн куим вöөтö видзны, сэтшöм
мичаöсь пö сылөн лöбмась вöвьясыд. Эз вермы кутчысьны сар, ачыс
петiс конюшня(ö) и ювалö Иванлысь:

— Кутшöм средствоөн тэ та выйöдз воштiн?

— А некутшöмөн,— шувö Иван,— куимысь чистита, верда и юктола,
мöднога средство абу.

Сар пондiс шензыны, даже быд земля(ö), иностраннöйясö теле-
грамма кучкис, вот пö сэтшöм вöояс стараннеөн вермöны лоны.

Сэсся сар Иванлы сетiс витсё чöлкöвöй награда, вот пö тадзи и водзö
ов, старайт бура, апитцерскöй чин пö регыд сета, менам пö ласьт ыджыд.
Да. А прочöй конюкьяслы кыысис, мый мальчиклы сетöма сар витсё
чöлкöвöй награда. И ная пондiсны шувасьны, вот пö дивöйс, и пондiсны
завидуйтны ная. Вай пö видзöдлам, шувöны, кыз мый сийö старайтö
вöояссö. Сэни öти конюк вöли Педöр нима, и шувö сiя, час пö ме кыйöдла,
гашкö пö-й ми велалам.

Да. Кыйодіс Педөр гидня пельбессянь и аддзис, кызди Иваныд видзё, шыльбодё вөөяссё. Да. Иванлөн мыйён шыльбодсис вөөястё, сия скойыштіс чвет лампатё йирк костас и муніс. А Педөр тая аддзыліс и Иван мунём мысьтён гуселіс сійё.

Мод луннад эськё Иван корсис жё чвет лампатё да некысь эз сюр, абу нин. А мый пё, вошёма кё, сэссия вочан. Да. Ийй туйё лэдзчысис сия, немой туйё, дзикодз вөөястё эноотіс, сизим лун, гашкё, эз видлы.

Да. Коркё-й шөркос нылос ытіс сар, колё пё видзёдлыны вөөястё, кутшёма видзёны конюкъясыд, кодлөн бур, кодлөн омоль, кодос колё накажитны, кодос наградитны.

Лэччис ныы конюшня(ө), видзөдө, мукөд конюкъяслөн вөөясыс быдён дзирдалоны, а Иванлөн муртса лоояось, ставсё сёйомась, куйодыс нин пондёма бырны.

Сар ныы корис Иванос и ювалё. Мый нё пё тая, батьё пё тэнё витсё чөлкөвйён наградитіс, а тэ сэсянь абу на и видзөдлөмыд вөөяс вылад, чуть абу кулёмась.

Иван дувгис, дувгис сар ныы вылө и шувис:

— Не знаю.

— Мы тэ керин, ювин али мый, мыйла эн старайт вөөястё? — бара юваліс сар ныы.

— Не знаю, — шувё Иван.

Мый ювалас, пыр шувё «не знаю».

— Но, бать дінё пыралам, зять будешь.

Пыргісны бать дінё, ныы доложитіс, сідз пё и сідз, Иванлөн вөөяс омөльтчөмаось, абу на и видзөдлөма.

— Мый нё тэ керин, — шувё сар, — вөөястё неуна абу виомыд.

— Не знаю, — шувё Иван.

«Но мый сэссия такөд керны, — думайтё сар, — арестуйтны том на, дай жаль».

Да. Думайтіс, думайтіс сар и шувис служанкаяслы, мод вакантсия пё талы сетой, кукняяс мыськыны, тасьті-пань мыськыны. Но, лок, шувёны служанкаяс, петам, сідзкё, кукня(ө).

— Не знаю.

— Зять будешь, — и служанкаяс петкөдісны сійё кукня(ө).

Да. Коркё сар семья сёйёма, вайисны мыськыны золөтөй паньяс, дарьяс, блюдыяс. Вот пё мыськоо, чышкоо, велөдөны Иванос старшой служанкаяс. Кор пё эштас, косөдыс да, мигнит мяянлы, ми нувам бөр.

— Не знаю.

— Зять будешь!

Коркё служанкаяс петісны, Иван став тасьті-паньяссё гумляліс, гумыль-гамыляліс да пызан улө бруткөбтіс. Локтісны служанкаяс, ювасьёны, кодкё пё петкөдіс али мый приборсё?

— Не знаю.

Кытчөкө пё вөд лови жё.

— Не знаю.

Сэссия-й казёлісны, аддзисны прибортё пызан улысь.



— Мый нө тая, ой, ой, мый керин?— ювалёны служанкаяс. Иван век ётиёс тёдö:

— Не знаю.

Петисны служанкаяс сар динö и шувöны:

— Сар батюшко, тэнад сабля, миян юр, став тасьти-паньяссö Иваныд чегъявлöма да шыбытöма пызан улö.

— Подводит его,— рочөн шувис сар.

Кутёмөн вайёдисны Иванёс сар-батюшко динö. Сар и пондiс допроситны. Кутшöм силаён пö тэ тая ёкмылялöмыд, кодi вöчис тая?

— Не знаю.

«Тая дивö, зонмö,— думайтö сар,— кутшöм ён, кыз паньяс вöлины да чегъяллöма. Но, мый сэсся керан? Арестуйтны, том на да, жаль. А, должно быть, силаыс ыджыд, коркö морт на ловас».

Думайтiс сар и пунктiс Иванёс садовникö. Да. Служанкаяслы тшöктiс висетьооны, кызди мый, мед кужис обращайтчыны, сетöй пö гöлик, мед чышкалö, садтö пö оз жугод.

Да. Пунктисны Иванёс выль места(ö), садовникö, пондiс ветлыны гöликөн, чышкооны садсö. Вежон кык кыным Иван олис сэн и пондiс думайтны, а мый пö, öти войөн кö пö садсö рözорита, мый ловö пö, мед ловö.

Да. Сарскöй дворечын мыйён шы ни тöö лови, пач кыза дубьяс вöлины да, ставсö пондiс пöрöдлыны, вужнас нетшкыны, ставсö öти войö чиститiс, кöстералис.

Коркө служанкаяс чеччисны, шензьёны, мый нө пө тая, ставыс көстер, садйыс абу? Вёт али вемөс пө тая? Кутшөм пө вёт, тая вөд Незнайкоыд пакөститөма, рөзөритөма садтө.

Да. Петисны служанкаяс садйө, ювасьёны:

— Ок, Незнайко, Незнайко, мый нө керин тая садсө, мый вөчин?

А Незнайко водөма сэтчө да сөмын шувалө: — Не знаю, не знаю.

Служанкаяс эз вермыны виччысьны, чуксолісны сар ныяясөс. Сар ныяяс куимнанныс ырскөбтісны да петисны Незнайко дінө.

— Ок, Незнайко, Незнайко, мый нө тэ керин миянлысь садсө? Ок, зөлөтөй, зөлөтөй, эн кө эськө тая вөч, век вөлін миян дінын, а өні бать лөгасяс, уна вөд ченносътыс тая садъяс вөлі.

— Не знаю, — шувө Иван.

Пырисны сарскөй ныяяс да чуксолісны сарөс, вот, шувөны, Незнайкоыд сарскөй садтө дзоньнас жугөдөма, ставыс көстер.

Да. Сар петис Незнайко дінө:

— Мый керин? Оні сэсса пөщада ог сет. Да. Кутшөм силаөн рөзөритін, висьтоо көть өти кыы, коді отсоліс?

Ответшайтө Незнайко:

— Не знаю, — сэсса нинөм өтвет оз видз.

Сар думайтны кутіс ас думнас: «Такөд вөчны нимөн, коркө та помысь крепосът ловө, а удж сетны оз позь, ставсө жуглас».

Сэсса сар прикажитіс сійө вердны-юктооны аслас жө пищаөн, мед пө морт пөт вөлі. И вот, кутшөм пища сөйө сар, сійө сөйө и Иван.

Да. Коркө Иван вөө йылысь думыштіс, нужда(ө) али тружда(ө) пө вочан, волы ме дінө, и дум босътіс ветлыны сылы. Муніс войын, часов двенадцеть, кытчө лэдзліс вөөсө, чукөстіс:

— Сивко-бурко!

Грима-грымакылө вовис вөө сы дінө.

— Но, көзъяин, кутшөма олан?

— Ола сідзи. Конюкын вөлі, тайкө юрөй вошө, тасьті-пань мыськыны индылісны, да ставсө чегъёллі, чамбыралі, да сэсь вөтлісны; садовникө пуктылісны, өти войөн став садсө жугөді. Оні безработнөй, вердөны и юктолөны бура, сар пищаөн, только ласът абу, мед, — шувө, — сизим мында бура вөчны садсө.

Да. А вөө отвечайтө:

— Вот менам седлөын важ көзьяинлөн эм волшебнөй чунькытш. Сійөн тэ мый тшөктан, сја-й ловас.

Но только пө чунькытшыс сэтшөм, нимтөм чуньө кө сюян, нимөн оз артмы, но плантө бура колө лөсьөдны, мед зра оз ло, дзонь вой пө думайт да вөлись прикажит, а коома кө пө ме, көзьяин, көть быд лун видлы.

Но, вөөкөд бара прөщайтчис Иван и муніс бөр. Муніс и думайтны пондіс, кызди мый вөчны план, кодлы кутшөм пуксянін лөсьөдны. Сарлы кө — сарлы, сар ныяяслы кө — сар ныяяслы, поименно ставсө лөсьөдіс.

Да. План мыйон вочис, ассигнуйтис, нимтом чунь чунькытш суйис, кылис невидимой глас:

— Козяин, мый тшөктан керны?

Вот по, этья садйис мед сизим мында гажа вөли: шөрөдыс по мед ю визууто, черияс по мед бездочоны сэн, титсаяс по мед дзользёны, сьылёны, дажо по мед покаживайтан местаясын, кызди полагайтчо, поименной улөсьяс пуксьыны эм. Сарлы кө — сарлы, сар ныыяслы кө — сар ныыяслы, служанкаяслы кө — служанкаяслы, кодлы колө, мед пуксьёны, кодлы оз — мед оз.

Да. Мыйон сийо только висьтоолис, невидимой глас шувис:

— Чечигкежад сё будет.

Да. Коркө чеччисны нижней чиньяс. Дерт, служанкаяс медводз чеччылёны. Да. Мый нө тая? Став ошиньясө пашкыртчөмаоь садьяс, акроматной чөскыд дук петө, титсаяс дзользёны, черияс безгёны.

— Аминь, аминь, тайо вөт али вемөс? — шувёны служанкаяс.

Но, служанкаяс эз вермыны терпитны, Незнайко динө лэччисны. Быдөн окалёны сийо.

— Ок, дитяой, дитяой, ок кутшөм ласьт имейтан тэ өни, и награ- дитас жо өни тэнө сар батыд.

А Незнайко узигмоз только-й шувало:

— Не знаю, не знаю.

Пырисны служанкаяс сар ныыяс динө.

— Чеччөй, чеччөй, Незнайкоыд тай, майбырөй, вөчөма садтө, сизим мында гажа ловөма, — докладывайтоны сар ныыяслы служанкаяс.

Сар ныыяс нимкодпырысь чеччисны, эз весиг удитны сполной юпкаон пасьтасьны, Незнайко динө лэччисны. Пөшти окалёны сар ныыяс Незнайкоөс, сэтшөм любө лови налы. Ме коть по өни муна тэ сайо, шувө өти ныы, мед по только сёрнитны кутан.

— Не знаю, — шувө Незнайко.

Да. Коркө сарөс ныыяс чуксолисны. Сар любуйтчис великолепно, дажо по думөн он куж думайтны, синмөн он куж тая плансө лөсьөдны, мый твөритөма чудеса. Стразу вайисны полковник паськөм зөлтөй блюд вылын. Көть по-й командуйтныс оз сяммы, а полковником быть, шувис сар. Да. И оланінсө бурджыкөс, югыдджыкөс сетисны — горница.

Вежаун кык кыным олис сия полковникон, сёян пыр вайёны сар- скойёс, прислуга имейтө, полковник вөд, кыз оз имейт.

Да. Олисны и несколько время мысьтөн морской чудовищесянь ва- йисны сарлы пакет. Сар пакет коселіс, сэтчө гижөмась:

«Морской чудовище корө медыджыд ныытө, добром кө он вай став сарствотө рөзөрита, а то вай. Колөкө — вай, колөкө — эн, ачыд төдан».

Да. Быдла(ө) сьөд плак өшөдісны. Публика сар лэдзис:

«Код вермас спаситны морской чудовищесь нылөс, аслам кыры- мөн нылөс сета и коймөд пай сарствоысь юка».

Публика лыддисны, некод оз лысьт кутчысьны. Сэссия мян кодь өти дурак и петі, мед по, сёяс кө сёяс, а гашкө по-й менам чассьө ловө.

Да. Сар динө муніс, вот по ме тэнад приказ кузя көсья спаситны

нытö, толькö пö мед оз вежсы тэнад кыд. Сар шувö, оз пö, оз, мый менам шувöма, сідзи-й ловö, менам закон оз вушйы.

Но, вот, аски лун шöр кежö пöндисны лöсьöдчыны нуны сар нылöс. Сэтшöм сйя печальной лови. Чукöртчисны йöз сййö колльöдны, кодй бöрдö, кодй мый. Быдсяма йöзыс öд оллöны. Да. Быдлаын öшалöны сьöд плакъяс. А сар ныв нувöдтöдзыс лэччис Незнайко динö, пöндис оллялны:

— Незнайко, Незнайко, сэсся вöд ме ог аддзыл тэнö, менö вöд морской чудовище динö нувöдöны.

— Не знаю, не знаю,— шувö Незнайко синва пырыс.

Жаль жö сылы. Да. Быдөн окасьöмөн прöщайтчисны. Но, нылöс сэсся колльöдисны, йöзөн ий музыкаөн ветлисны. Мыйён уतिकнитис сарство, Незнайко-й шувö, час пö тшöтш ловö ветлыны спаситны. Мунис сйя гусьён поле вылö, вöö динö, некод эз замакайт сылысь мунöмсö и чукöстис вöлöс:

— Сивко-бурко, Сивко-бурко!

Грима-грамакылö вöлыд локтис. Иван и шувö сылы, страшнö пö ёна радейта сар нылöс, морской чудовищесь пö сййö спаситны огö ветлö? Ветлам пö. Кытчö пö мунан, меным обязан мунны, а сййö чудовищесьд пö лысва на толькö.

Да. Но сэсся мунны пöндисны ная как пуля, сильнö öдйö, мед морской чудовище оз удит сар нылöс сёйны. Море дорысь, кытчö вöли нувöмаöсь, нытö аддис. Ныы крик лэдзис, пöндис шувалны:

— Господин аньдел ли арканьдел, багатыр ли, витязь ли, спасит, тэ пö абу прöстöй морт.

Отъветитис Незнайко:

— Православной йöз эстөн миллён усьö, а тэнад öтка юр вöсна ме ог на вись. Вот ветла да бöр локтйгөн, оз кö сёй чудовищесьд, спасита, а öни ог, мед тэ сар ныы кö.

Дерт, сйя неылö ветлис, проклаждайтчис кöнкö, вöчны нимөн да, сйя сідз висьтолис, мед оз тöдны сййö.

Да. Мыйкö дыра мысьтөн сйя грима-грымакылö бöр локтис. Но вот пö öни верма спасайтны.

Но, сэсся море пöндис быгзыны. «Уфу-уфу»,— кылö чорыд глас, дажö муыс быдөн вöрззылö. Полной кодөн мыччысис куим юра морской чудовище.

— О, сар батыд тай бур на вöлöма, сар ныы кори, а сййö кыкöс вистöма дай эстөн со, дуб вылас, коймöд.

Сйя спаситысьыд дуб вылас кайöма, мед оз сюр чудовищелы, а сылөн син ылысянь босьтö.

Да. Петис моресь гундыр, кыййыс комын сажень кузя, куим сажень пасьта, тöран и вольсасьны да водны.

— Пуксьöй кыы йылö,— горöдис гундыр,— нылышта стаанытö.

— Тэнад кöть кыййыд кузь и паськыд,— шувö Иван,— а сы вылö пуксьысь абу на.

Тышкасям пö, коднымлы удайтчас, сынымöс и виам. Öтарö-мöдарö бöрынътчисны ная, пöндисны локны паныд. Куимнан юрсö сабляөн

шаркнитіс Иван сылысь, толькò голь-голь-голь уси. Да. Но, сар ныы и пондіс шуны, тэ пò öні верман менò босьтны и бать сарствольсь коймòд пайсò, да тòда пò, тэ абу прòстòй морт, он пò, кòнкò, кòсйы, на память кòть мыйкò босьт. Да. Меным пò пòдарки оз коо, шувò Иван. А он кò пò, ме море(ò) шыбыта. Вай пò инò, чем море(ò) шыбытны. Имяннòй перна босьтис Незнайко сар ныылысь и грима-грамакылò бòр муніс.

Мыйòн Иван муніс, дуб вылысь лэччис сія телокранительыд и шувò сар ныылы, если кò пò сарыдлы он кòсйы висьтооны менò спаситысьòн, татчò пò-й шыбыта тэнò мореас, тэкòд пò водзсасыны верма, а висьтолан кò пò, оомòдчам òтла(ò) и пондам ооны. Нылыд и кòсйысис висьтооны, он кò пò, пòгубитас менò.

Да. Мунісны сэсся ная и коркò вовисны сар дворечò. Мун пò пыр бать дінò, шувис сар ныы мòдыслы, а ачыс муніс Незнайко дінò, ог-ò кòть пò кутшòмкò знак аддзы.

А Незнайко водòма важ местаад да важмоз и узьò. Некутшòм знак абу и сы вылын. Да. Сэсся бать дінò вовис ныы, висьтолò мòдтò, действительнò пò тая менò спаситіс, чудовище виис. Но, сар шувò, кыы пò менам оз вушйы, куим лун мысьтòн пò свадьба лòсьòда.

Куим лун эз на коль, эз на удитны свадьбуйтны, сарлы бара вовис пакет, квайт юра чудовищесянь нин. Он кò пò шòркос ныытò море дорò вай, став сарствотò рòзòрита, гижòма квайт юра чудовище.

Да. Печальнòй плак бара øшлісны и публика лэдзис сар, код пò спаситас нылòс, сійò сета сы сайò и коймòд пай сарствоысь юка. Кутшòмкò дурак бара на вовис, вай пò, шувò, ме босьтас спаситныд. Спасит пò, шувис сар.

Да. Аскинас чукòртчисны йòз, быдлаын съòд плакьяс øшалòны, звòн и музыка кылò, код сэтòн сыылò, код бòрдò. Быдсяма йòзыд тай эмòсь.

Да. А сар ныы лэччис Незнайко дінò, пондіс сэн оллялны. Незнайко сòмын шувалò:

— Не знаю, не знаю,— аслас тшòтш жò синваыс петò.

Да. Прòщайтчисны сэсся ная, окасисны и быдсòн сэн, и сар нылòс нувòдісны.

Мыйòн мунісны да уतिकнитіс сарскòй дворечын, Незнайко и шувис, час пò ветла, спасита сійò. Муніс сія гусьòн поле вылò, чукòстис вòсò:

— Сивко-бурко, Сивко-бурко!

Грима-грама бара локтис вòò. Иван и ювалò, сар нылòс пò квайт юра чудовище кòсйò сейны, огò пò ветлò спаситны? Ветлам пò, кытчò пò тэ мунан, меным обязан мунны.

Да. Но, сэсся мунны пондісны ная пуля моз, сильнò òдйò мунòны и море дорысь аддзисны сар ныытò. Ныы горòдіс сылы:

— Господин аньдел ли арканьдел, багатыр ли витязь, спасит менò морскòй чудовищесы!

Иван и шувò:

— Мед сар ныы кө, тэнад өти юр, а эстөн миллэн усьö православной йöз, вот локта да, оз кө удит сёйны, спасита, гöлубушка.

Бара ветлис кытчöкө Иван и грима-грамакылö бөр вовис.

Да. А море бара валайтны пондiс, сэтшöма валайтö, гыясыс толькö ызгöны. «Уф-фу, уф-фу!» — сэтшöм чорыд глас кылiс, и квайт юра чудовище тыдоочис.

— Сарыд тай бур на вөлöма, — шувö чудовище, — видзöд жö, кыным мортöс ыстöма дай вөө ещö.

Мыччис кыысö чудовище, а сийö нелямын сажень кузя, вит сажень пасьта, тöран и вольсасьны, и шувö:

— Но, пуксьö менам кыы вылö, толькö гулькнита.

— Тэнад көть кыйыд кузь и паськыд, а сы вылö пуксьысь абу на, давай венласям, видзöдлам, кодi венас, — шувö Иван.

— Давай, кузя ог видз, — шувö морской чудовище.

Да. Отарö-модарö бöрынтьчисны ная, пондiсны паныд локны. Иван öти ударөн квайтнан юрсö тутнитiс.

Но, сэсся имянной чунькытш ныылөн вöли да, пондiс сетны. Тэ пö эськö верман менö босьтны и батьлысь коймод пай сарствосö, да тöда пö, абу прöстöй морт, он пö, көнкö, кöйы, а на память көть тайö босьт. Оз пö коо, шувис Иван. А оз кө пö, море(ö) шыбыта. Но, вай пö нö, чем море(ö) шыбытны. Босьтiс Иван имянной чунькытш и грима-грамакылö бөр модiс.

Сэсся дуб йылысь лэччис спаситны кöйысьыд и шувö сар ныылы:

— Ежели сарыдлы он висьтоо, мый ме вии чудовищетö, мореас тэнö и шыбыта.

Ныылы невöляөн лови сöгласитчыны, спаситысьыс пö вöд оз жö лок-а, сiя пö көнкö аньдел кутшöмкö вöли, спаситель Егорей ли.

Да. Сэсся мунiсны и вовисны ная дворечö. Дворечö вовисны да ныы тшöктiс модыслы пырны сар ордö, а ачыс кежис Незнайкö дiнö, абу-ö пö кутшöмкö знак сылөн. А Незнайко вöли важмозыс узьö, некутшöм знак эз окажитчы.

Но сар дiнö пырис ныы и висьтолис, тая пö менö спаситiс. Спаситiс кө пö-й ладнö, шуис сар, куим лун мысьтөн пö свадьба вöчам.

Да. Олисны ная несколько время, куим луныс на эз тыр, бара вайöны пакет, öни нин öкмыс юра чудовищесянь. Менсьым пö кык вокöс виин, гашкö пö-й, менö кöсьян вины, гижö сiя сарлы, сет пö меддзоля ныытö, он кө пö сет, став сарствотö рöзöрита.

Да. А меддзоля ныы сарлөн вöли медмича, сэтшöм мича, лы пырыс вемьс тыдалö, дажö Незнайко сы вылö вежалö.

Да. Сар пондiс ёна шогсьыны, сэтшöм печальной плак öшöдiс, бара публикуйтiс, кодi пö вермас спаситны менсьым ныы, сета сылы нылöс дай коймод пай сарствось. Кутшöмкö дурак и бара найдитчис, кöс-йысис сарлы спаситны сылысь ныысö.

Мод лун бара чукöртчисны йöз, звөнөн и музыкаөн кöйöны кол-

льодны сар нылос. Мунтөдзыс сар ныы лэччис Незнайко динё, зэя ёна бёрдө, оллялө, сэсса пө-й ог аддзысьлө тэкөд, локтөма пө ыджыд чудовище, өкмыс юра, сця пө сёяс нин. А Незнайко только шувалө:

— Не знаю, не знаю,— аслас синваыс лэччө.

Прощайтчисны ная сэн, окасисны и быдөн, и торйөдчисны.

Мыйөн колльөдисны сар нылос да двореч уतिकнитис, Иван петис поле вылө и горөдис:

— Сивко-бурко, Сивко-бурко!

Грима-грамакылө вовис вөө и ювалө Иванлысь, мый нин пө висьтоолан, көзяин? А вот пө, аслым баба вылө пө вөлі видза сарлысь медзоля ныысө, а сійөс пө тавун көсийө сёйны өкмыс юра морской чудовище, служит пө служба, отсоо спаситны. А вөө шувө, бур пө тась, Иван, оз ло, өкмыс юра чудовищөыд пө силаа, ён, коднымлыкө пө смерт ловө. А мый ловө пө ло, а колө ветлыны, Да. Кытчө пө мунан, ме обязан, шувө вөө. Иван сөліс, и ная мөдисны.

Вовисны море динё, Иван аддзис сар нылос. Сця и шувө:

— Господин витязь ли аньдел тэ лован, спасит менө морской чудовищөысь.

— Эстөн православной йөз миллөн усьө, а тэ өтка юр, локтигөн, гөллубушка, спасита, оз кө удит сёйны,— шувис Иван и саяліс.

Но, коркө-й вовис сця бөр, море прамөя нин быгзьөма, сар нылос лови вөө вылө сөлөдны, сэтшөма валъялө. Громкөй гөлөс кыліс, сэсса мыччысис өкмыс юра чудовище, быдөн дажө вомсьыс быг петө, би петө.

— Ууф-фуу, ууф-фуу, ууф-фуу! Кык вокөс виин дай менө көсьян вины? Дудки ловө! Пуксьөй вай кыы йылө, ставнытө ньылышта!

Мед пө тэнад кыыйыд кө кузь, шувө Иван, ме пө думайта на вермасьны, коднымөс пө венам, сійө и вины. Давай пө, шувө чудовище, кузя пө ог видз. Да. Бөрынтьчисны өтарө-мөдарө ная и пондисны локны паныд.

Шаркнитис Иван саблянад, кык юр только уси змейыдлөн. А сця, зонмө, швачкөбтис бөжнас, став яйсө нувис, кытчө инмыліс. Сар нылөн шөок юпка вөлі, шыбытис Иванлы, на пө гарт ранаястө.

Да. Гартис Иван ранаяссө, и бара мөдисны тышкасьны. Нель юр Иван сөтис мөд ударөн. И бара чорыда ранитчис. Чукөртис сэсса медбөрья силасө сця, коймөдысь кучкөмөн кончитис чудовищөөс. Да. Виис чудовищөөс и сайдыс, мый вөлі, мортыдлөн быри.

Но, сэсса вөө сійө вайис гортөдзыс да морөс вылас зөлөтөй букваөн гижис, кызь вит сутки тыртөдз пө оз позь тайө садьмөдны.

Да. А сця дуб выысыд лэччис телокранительыд и шувө сар ныылы, висьтоо пө сарыдлы, мый ме виин чудовищөтө, он кө пө висьтоо, ме тэнө морөса шыбыта. Ныы көсийсыс, быть сылы висьтоо, спасительсө пө вөд, аньдел кө вөлі, ог нин аддзөй-а, а морт кө вөлі — кулі.

Да. Вовисны ная дворечө, ныы и шувө, мун пө тэ пыр, а ме кольччыла. Пырис сця, а ныы кежис Незнайко динё. Сэтшөм чорыда унмовсьөма сійө, став өшиньыс траситчө, став сарскөй дворечыс грөмитө. Ныы

аддзис Незнайко вылысь чойясыслысь перна да чунькытш, ранаё гартлём юпкасё и горөдіс:

— Ой, дитяёй, дитяёй, тая тай мянөс спаситысьыд вөлөма.

Котөртіс сія батыс дінө.

— Батьё, батьё, тэнад сабля, менам юр, Незнайкоыд тай мян спасительыд!

Да. Ветліс сар, видзөдіс, збыль сідз.

— Но, коомас часөвөйясөс сы дінө суутөдны,— шувис сар.

А ныыяс шувөны, ог пө веритчө ми, асьным кранитам. Дажө некодөс оз лэдзны матө локны, дажө титсаөс. А сар публика лэдзис, иностраннөй сарствоясө и быдөн, вот пө окажитчис сэтшөм морт, виис пө сэтшөм чудовищяясөс.

Но, сэсся справитісны, бурдөдісны Иванөс, лекарствояс эз жалитны, и бурдіс сія, кызь вит суткиөн вөд кызди он бурд.

Да. Локталісны сар ордө гөсьтьяс, князьяс, господаяс.

Коркө-й коралісны дуб вылын олысьясөс, ловъя выысьыс гуалісны землянөй гуө, вот пө тіянлы пөръясьөмсьыд.

Сэсся сэтшөм бал вөчис сар и Иванлы шувө, вот пө тэнад джын сарство, действительнө пө тэ спасайтін менсьым ныыясөс, босьт пө ас саяд, кодөс колө. Иван и шувө, а мед пө, пеня көть абу, ловө пө меддзоля ныытө вайны, сія дінын пө менам вир киссис, сійө ме и вая.

Но, сэсся сэн пир-стол вөчисны, беседаяс, пондіс купеческөй сын сарствуйтны, гашкө, сарствуйтө и өні.

